

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLII Blg. 4
Pebrero 21, 2011
www.philippinerevolution.net

Editorial

Magkaisa laban sa mga pasistang pwersang anti-kapayapaan

Ang pinakamaiitim na ulap na lumalandong sa pag-asang umusad ang matagal nang nabimbing usapang pangkapayapaan ay ang Armed Forces of the Philippines (AFP) at ang bago nitong planong Oplan Bayanihan (OPB). Walang awat ang mga sagadsaring pasistang pwersa sa kaliwa't kanang paghadlang at pananabotahe sa usapan.

Sa tuwing may aninag ng pag-asang sumulong ang pag-uusap sa pagitan ng National Democratic Front of the Philippines (NDFP) at ng Gubyerno ng Pilipinas (Government of the Philippines o GPH), kumikilos ang mga sagadsaring pwersang anti-kapayapaan upang mabahura ang pag-uusap. Ang tapang ng apog ng mga pasistang heneral ng AFP na ideklara ang sarili bilang mga tagapagtaguyod ng kapayapaan samantalang kaliwa't kanan ang paglapastangan nila sa mga umiiral na kasunduan at panlilibak sa NDFP at sa seryosong layunin nito sa pakikipag-usap sa GPH.

Patraydor na dinakip ng mga pasistang sundalo at pulis si Kasamang Alan Jazmines sa Baliuag, Bulacan nitong Pebrero 14. Si Kasamang Jazmines ay isa sa mga kilalang lider ng Partido Komunista at nangungunang konsultant ng NDFP sa usapang pangkapayapaan. Nang dakpin siya, tahasang ni-

yurakan ng AFP ang Joint Agreement on Safety and Immunity Guarantees (JASIG). Dinakip siya ng AFP sa bisperas ng muling pagbubukas ng pormal na pag-uusap sa pagitan ng NDFP at GPH. Mistulang winasak ng AFP ang lubos na pinanana-

bikang pagdiriwang ng sambayanan sa malaking pag-usad ng pag-uusap.

Dinakip si Kasamang Jazmines ilang linggo matapos dakpin ng AFP si Kasamang Tirso "Ka Bart" Alcantara. Si Ka Bart ay isa sa mga nangungunang kadre ng Partido at Bagong Hukbong Bayan (BHB) sa Southern Tagalog at konsultant sa usapang pangkapayapaan. Sa kabuuan, 15 konsultant na ng NDFP na sangkot sa pagsusulong ng usapang pangkapayapaan ang inaresto at ikinulong

ng AFP at PNP. Lahat sila'y humaharap sa mga kasong kriminal na inimbento ng militar at pulis upang bigyang-matwid ang kanilang matagalang detensyon.

Naghahambog ang AFP na isa itong kapangyarihang hindi maaaring ipailalim sa mga kasunduang binubuo sa pagitan ng GPH at NDFP. Buong pagmamalaki nitong idinedeklara na hin-



Mga tampok sa isyung ito...

Konsultant ng NDFP, inaresto ng militar
PAHINA 3

Pormal na usapang pangkapayapaan, binuksan
PAHINA 4

Ang pagtatakip ng rehimen sa mukha ng karalitaan
PAHINA 7

di maaaring masuspinde ng usapang pangkapayapaan ang mga operasyon ng militar at pulis para sa "pagpapatupad ng batas." Kahit sa panahon ng 19-na-araw na tigil putukan noong Disyembre-Enero, walang tigil ang AFP sa paghahasik ng terorismo sa inilunsad nitong mga "special operations" sa mga baryo sa mga larangang gerilya. Nagawa pa nilang tawagin ang mga ito na "operasyon para sa kapayapaan at kaunlaran."

Walang interes ang mga pasistang upisyal ng rehimeng Aquino na magtagumpay ang usapang pangkapayapaan. Nais lamang nilang gamitin ang usapan para linlangin ang mamamayan at pasukuin ang mga rebolusyonaryong pwersa. Para sa mga upisyal ng militar at pulis, walang ibang kahulugan ang kapayapaan kundi ang pagsupil at paggupo sa lahat ng armadong paglaban at mga pakikibakang masa ng mamamayan.

Nilalaman ng OPB ang anti-kapayapaang patakaran ng militar. Nakapadron ito sa Counter-insurgency Guide ng US na ang layunin ay panatiliin ang imperyalistang paghahari nito sa Pilipinas at iba pa nitong malakolonya sa pamamagitan ng pagsugpo sa mga pwersang nagtataguyod sa pambansang kalayaan at demokrasyang bayan.

Ang pinakamaiitim na ulap na lumalandong sa pag-asang umusad ang matagal nang nabimbing usapang pangkapayapaan ay ang Armed Forces of the Philippines at ang bago nitong planong Oplan Bayanihan.

Makikita sa OPB ang kawalan ng interes sa makatarungan at pangmatagalang kapayapaan. Alinsunod sa OPB, ang deklaradong tungkulin ng mga upisyal ng AFP kaugnay ng usapang pangkapayapaan ay ang "pagkaitan ng bentahe" ang NDFP sa pagharap nito sa GPH. Ipinakikita ng AFP na walang puwang sa pasistang pag-iisip nito ang diwa ng pantay na pag-uusap at pagtutulungan para harapin ang mga usaping nasa ugat ng gera sibil.

Ipinakikita rin ng AFP na hindi ito maaaring matali sa buo na o mabubuo pang kasunduan sa pagitan ng NDFP at GPH. Sa gayon ay nais nitong ipamukha sa sambayanan na walang makabuluhang ibubunga ang usapang pangkapayapaan. Inuudyok nito ang NDFP na umatras sa pakikipag-usap para bigyang-matwid ang patuloy na pagpapaigting nito ng pasistang gera laban sa sambayanan.


Dapat mabatid ng lahat na magtatagumpay lamang ang

usapan sa pagitan ng NDFP at GPH kung mapagpasyang mawawakasan ang pananabotahe rito ng mga sagadsaring pasista sa militar at pulis. Hindi nakatutulong sa usapang pangkapayapaan ang patakaran ng rehimeng Aquino na pakawalan ang mga pasistang aso nito sa AFP at hayaan ang mga itong basta lapastanganin ang lahat ng mga kasunduang GPH-NDFP, kabilang ang JASIG at ang Comprehensive Agreement on Respect for Human Rights and International Humanitarian Law (CARHRIHL).

Nagkakaisa ang sambayanang Pilipino sa hangaring makamit ang pangmatagalang kapayapaang nakabatay sa katarungan. Tungo rito, sinusupportahan nila ang usapang pangkapayapaan sa pagitan ng NDFP at GPH sa pamamagitan ng malawakang paglaban sa mga pasistang pwersang anti-kapayapaan.

Dapat puspusang ilantad at labanan ang pananalanta ng AFP at ang kahungkagan ng bukambibig nitong "kapayapaan at kaunlaran." Dapat labanan ang pasistang terorismo nito.

Mulat ang mga rebolusyonaryong pwersa na ang pakikipag-negosasyon ng NDFP sa GPH ay magiging mabisang larangan ng pakikibaka para sa kapayapaan kung isasagawa ito kaakibat ng mga pakikibakang masa at armadong paglaban ng sambayanan. Kung gayon, dapat puspusang isulong ng mamamayan sa lahat ng larangan ng pakikibaka ang kanilang mga pambansa at demokratikong adhikain na siyang salalayan ng minimithi nilang kapayapaan.

<div></div> <div>Taon XLII Blg. 4 Pebrero 21, 2011</div> <div>Ang <i>Ang Bayan</i> ay inilalabas sa wikang Pilipino, Bisaya, Iloko, Hiligaynon, Waray at Ingles.</div> <div>Maaari itong i-download mula sa Philippine Revolution Web Central na matatagpuan sa: www.philippinerevolution.net</div> <div>Tumatanggap ang <i>Ang Bayan</i> ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com</div> <div>Ang <i>Ang Bayan</i> ay inilalathala dalawang beses bawat buwan ng Komite Sentral ng Partido Komunista ng Pilipinas</div>	
Nilalaman	
Editorial	1
Konsultant ng NDFP, inaresto	3
Pormal na usapang pangkapayapaan ng NDFP at GPH, binuksan	4
Aktibista, inaresto	4
Pananalanta ng pasistang estado	
CMO sa Mindanao, tahasang lumalabag sa tigil-putukan	5
Balasubas ang AFP	5
Matatagumpay na opensiba ng BHB	
Ambus sa Kalinga	6
Mga bihag, pinalaya ng BHB	6
Sundalo, binihag ng BHB	6
Si Gen. Reyes at korapsyon sa AFP	7
Pagtatakip sa mukha ng karalitaan	7
Balita	8

Mahalagang konsultant ng NDFP, inaresto ng militar

"To hell with the JASIG!" ("Wala kaming pakialam sa JASIG!"). Ito ang bastos na isinagot ng upisyal na namahala sa pag-aresto kay Alan Jazmines, upisyal ng Partido Komunista ng Pilipinas (PKP) at konsultant sa usapang pangkapayapaan ng National Democratic Front of the Philippines (NDFP).

Si Jazmines ay inaresto sa isang bahay sa Baliuag, Bulacan, bandang alas-5:30 ng hapon noong Pebrero 14. Sapilitang pinasok ng ilampung pinagsanib na mga pwersa ng 56th IB, 7th MIB ng 7th ID, 703rd Brigade, Intelligence Security Group, at lokal na pulis ng Bulacan ang tinutuluyan niyang bahay. Habang siya'y inaresto, iginiit ni Jazmines na siya ay protektado ng Joint Agreement on Safety and Immunity Guarantees at hindi pwedeng arestuhin. Pero garapalan itong binalewala.

Sa isang pahayag, sinabi ni Jazmines na ang kanyang *document of identification* na inisyu ng NDFP alinsunod sa JASIG ay may *reference number* na 978213 sa pangalang Dodi Lapid. Sa kabila ng ipinahayag ni Jazmines ay ipinagpipilitan ng militar na wala siyang maipakitang patunay na siya ay konsultant ng NDFP at protektado ng JASIG. Alinsunod sa JASIG, ginagarantiyahan ang karapatan ng mga konsultant at istap ng magkabilang panig laban sa surbeylans, pag-aresto at detensyon.

Tinangay ng mga nang-arestong operatiba ang maraming bagay na ginagamit ni Jazmines sa kanyang gawain bilang konsultant ng NDFP. Kabilang dito ang mga kompyuter, papeles at ang pondong ginagamit niya sa konsultasyon.

Isinangkalan ng AFP sa pag-aresto kay Jazmines ang pagkakasangkot umano niya sa 13 kasong pagpatay noong 1989 sa Quezon. Tulad ng ginagawa sa ibang mga konsultant at istap

ng NDFP na inaaresto, gawa-gawa lamang ang kasong kriminal na isinampa laban sa kanya.

Sa pag-aresto kay Jazmines sa bisperas ng pagbubukas ng pormal na usapang pangkapayapaan noong Pebrero 15, nais ipamukha ng AFP na kayang-kaya nitong yurakan ang JASIG at iba pang kasunduan sa usapang pangkapayapaan nang hindi man lang pinipitik ng kanilang *commander-in-chief*. Bukambibig nila ang pagsuporta sa prosesong pangkapayapaan, pero sa aktwal ay winawasak nila ang mainam na kundisyon para sa usapan na pinagsisikapang buuin ng mga panel ng magkabilang panig.

Ayon sa pahayag na inilabas ni Jazmines mula sa kulungan, tahasang paglapastangan at pananabotahe sa prosesong pangkapayapaan ang pag-aresto sa kanya ng mga operatiba ng militar at pulis. Aniya, maiging harapin muna ang paglabag ng GPH sa JASIG bago tumungo sa iba pang adyenda sa usapang pangkapayapaan. Nakatak dang talakayin sa usapan ang Comprehensive Agreement on Socio-Economic Reforms.

Si Jazmines ay nagtapos ng Engineering sa Ateneo de Manila University at dating guro sa Asian Institute of Management. Dalawang beses siyang ikinulong noong panahon ng diktadurang Marcos at naging detenidong pulitikal sa loob ng pitong taon. Isa siya sa mga tapagtatag ng Partido ng Bayan. Nakakulong siya ngayon sa PNP Custodial Center sa Camp Crame.

Sa kaugnay na balita, ipina-



Kasamang Alan Jazmines


nawagan ng mga grupong tagapagtanggol ng karapatang-tao at iba pang sumusuporta sa usapang pangkapayapaan ang kagayat na pagpapalaya kay Jazmines at 13 pang konsultant ng NDFP.

Iginiit naman ng Samahan ng mga Ex-Detainees Laban sa Detensyon at para sa Amnestiya (SELDA) na palayain hindi lamang si Jazmines kundi ang iba pang mga detenido bilang paggalang sa JASIG at "hakbanging para sa kagandahang-loob."

Ayon sa SELDA, marami sa kanila ay mahigit limang taon nang nasa kulungan at lahat ay biktima ng panunupil at opensibang ligal ng administrasyong Arroyo. Kabilang dito sina Glicerio Pernia, Eduardo Serrano, Eduardo Sarmiento, Jovencio Balweg, Randy Malayao, Emeterio Antalan, Eduardo Friginal, Jaime Soledad, Alfredo Mapano, Tirso Alcantara, Ma. Luisa Pucray, Edwin Brigano at Pedro Codaste.

Hinihiling din nila ang kagayat na paglilitaw at pagpapalaya sa mga konsultant na *desaparecido*, kabilang sina Leo Velasco, Leopoldo Ancheta, Rogelio Calubad (dinukot kasama ang anak niyang si Gabriel), Prudencio Calubid at iba pa.

Pormal na usapang pangkapayapaan ng NDFP at GPH, binuksan sa Norway



Sa kabila ng pananabotahe ng AFP, natuloy ang pagbubukas ng pormal na usapang pangkapayapaan sa pagitan ng National Democratic Front of the Philippines (NDFP) at ng Government of the Philippines (GPH) nitong Pebrero 15 sa Oslo, Norway. Tatakbo ang pormal na usapan hanggang Pebrero 21. Kaugnay nito, magkasabay na pinairal ng magkabilang panig ang tigil-putukan sa parehong panahon.

Sa pagbubukas ng negosasyon, agad na ipinanawagan ng NDFP Negotiating Panel na pina-mumunuan ni Kasamang Luis Jalandoni ang pagpapalaya kina Kasamang Alan Jazmines, Eric-

son Acosta, 14 pang mga konsultant para sa usapang pangkapayapaan at ang natitira pang myembro ng Morong 43. (*Tingnan ang mga kaugnay na artikulo.*)

Aktibista, inaresto

Inaresto ng mga elemento ng 34th IB si Ericson Acosta, 37, isang aktibista at dating lider-estudyante, sa Barangay Bayang, San Jorge, Samar bandang alas-10 ng umaga noong Pebrero 13. Ayon sa nakalap na ulat, pasakay noon si Acosta sa isang bangkang de-motor patungong bayan ng San Jorge nang bigla na lamang siyang damputin ng mga sundalo. Kinuha ang kanyang mga personal na gamit at pera.

Si Acosta ay *literary editor* ng *Philippine Collegian* sa University of the Philippines-Diliman noong 1993 at myembro ng isang pangkulturang organisasyon at alyansa. Tinamnan si Acosta ng granada at sinampahan ng kasong kriminal sa Regional Trial Court Branch 41-Gandara. Kasalukuyan siyang nakakulong sa Gandara Police Municipal Office sa Samar.

Mariing kinundena ng iba't ibang grupo ang pag-aresto kay Acosta. Pinangangambahan ng kanyang mga kaibigan at pamilya na sumailalim siya sa tortyur lalupa't hindi siya kaagad na inilitaw. Hiniling nila na igalang ang kanyang mga karapatan.

Dumalo sa pagbubukas ng negosasyong pangkapayapaan sina State Minister Espen Barth Eide at Ambassador Ture Lundh bilang mga kinatawan ng Norwegian Royal Government, ang tumatayong Third Party Facilitator. Nagtalumpati ang mga kinatawan ng magkabilang panel—si Kasamang Jalandoni sa panig ng NDFP at sa GPH ay si Teresita Quintos-Deles, Presidential Peace Adviser ng administrasyong Aquino.

Ang nakasalang na adyenda ngayon ay mga sosyo-ekonomikong reporma. Sa panig ng NDFP, ang talakayan ay pamumunuan ni Kasamang Jose Maria Sison, pangulong tagapagtatag ng Partido Komunista ng Pilipinas (PKP) at pangunahing konsultant pampulitika ng NDFP sa usapang pangkapayapaan.

Samantala, masayang ibinalita ni Fr. Diony Cabillas ng Samahan ng Ex-Detainees Laban sa Detensyon at para sa Amnestiya (SELDA) na napalaya na si Kasamang Angelina Bisuña-Ipong, 66 anyos, isa sa 14 na nakapiit na konsultant para sa usapang pangkapayapaan. Pinalaya si Ipong noong Pebrero 17 pagkaraan ng anim na taong pagkakabilanggo. Inaresto siya ng mga operatiba ng pulisya at militar sa Aloran, Misamis Occidental noong Marso 8, 2005. Ilang araw siyang isinailalim sa interogasyon, tortyur at sekswal na pang-aabuso.

Pinalaya na rin si Edwin Dematera, 39 taong gulang, isa sa tatlong detenidong kabilang sa Morong 43 na hindi pinalaya noong Disyembre. May dalawa pang natirang nakakulong, bukod pa sa limang nakadetine pa rin sa Camp Capinpin sa Tanay, Rizal na inuudyukan ng militar na magsilbing saksi ng gubyerno laban sa kanilang mga kasamahan.



CMO sa Mindanao, tahasang lumalabag sa tigil-putukan

Mariing binatikos ni Jorge “Ka Oris” Madlos, tagapagsalita ng National Democratic Front sa Mindanao ang nagpapatuloy na mga *civil-military operation* (CMO) sa isla bilang tahasang paglabag sa umiiral na tigil-putukan ngayong Pebrero 15-21.

Ayon kay Ka Oris, pumapasok sa mga baryo ang mga armadong elemento ng AFP, PNP at CAFGU para magtaguyod daw ng “kapayapaan at kaunlaran.” Subalit sa aktwal ay naghahati sila sa dalawang grupo kung saan ang una’y tumututok sa mga operasyong saywar at ang ikalawa’y tumututok sa *security clearing operations*.

Pinadadalo nila ang taumbaryo sa mga pulong at pinipilit na maglabas ng impormasyon hinggil sa BHB. Binibidyo rin

ang mga tao nang walang pahintulot. Pagkatapos nito ay “iniimbitahan” ang ilang indibidwal para interogahin hinggil sa presensya ng BHB o mga aktibistang masa sa baryo. Ang mga ayaw makipagtulungan sa kanila ay tinatakot o binubugbog. Marami ang sapolitang nirekrut sa CAFGU.

Ani Ka Oris, labag ang CMO sa tigil-putukan dahil sa sumusunod:

► ang mga ito ay mga opensibong operasyong militar laban

sa BHB at rebolusyonaryong masa sa mga pinaghihinalang eriya ng BHB at inilulunsad malayo sa mga kampo o detatsment ng militar;

► ang pag-iimbestiga o interogasyon sa ilalim ng mga CMO ay mga operasyong paniktik, na bahagi ng mga opensibong operasyong militar;

► ang pananakot at pambubugbog sa mga sibilyan sa gitna ng mga CMO ay paglabag kapwa sa karapatang-tao at tigil-putukan.

Hinamon ni Ka Oris si Benigno Aquino III na ipakita ang kanyang awtoridad bilang *commander-in-chief* sa pamamagitan ng pangingibabaw sa mga mapandigmang elemento sa AFP at pag-atas sa kanila na itigil ang lahat ng CMO sa panahon ng tigil-putukan.

Balasubas ang AFP

Walang pakundangang nilalabag ng Armed Forces of the Philippines (AFP) ang pinagkasunduang tigil-putukan ngayong Pebrero 15-21 sa Masbate, Sorsogon at Bukidnon.

Masbate. Umatake ang mga tropa ng 9th IB at 903rd Brigade noong Pebrero 16 sa mga bayan ng Mobo at Uson, Masbate. Basta-basta na lamang nagpaputok ng mga baril ang mga sundalo kahit walang kalaban, bagay na nagbunga ng matinding takot sa mga sibilyan sa lugar. Nangyari ang pagpapaputok sa Sityo Binusbusan sa San Jose, Uson; Sityo Makamote sa Sawmill, Mobo; Sityo Bailan sa Bagacay, Mobo; at sa Sityo Cabacagnan sa Baang, Mobo.

Sorsogon. Hindi umalis sa binababarang mga barangay ang mga tropa ng 49th IB na mula noong Oktubre 2010 pa ay naglulunsad na ng operasyong RSOT sa 19 na barangay sa mga bayan ng Gubat, Casiguran, Bulan at Barcelona at sa Sorsogon City. Sa Bulan, 24 na elemento ng militar na nag-operasyon noong Pebrero 11 ay bandang alas-7 na lamang ng umaga noong Pebrero 15 bumalik sa kanilang kampo.

Bukidnon. Malawakang operasyong militar ang inilunsad ng mga elemento ng 8th IB sa li-

mang bayan ng lalawigan.

Dalawang trak ng mga tropa mula sa 8th IB at PNP ang nagpunta sa Barangay Osmeña, Dangcagan noong Pebrero 15-16 para sapilitang tipunin ang mga tagabaryo at kunan ng datos paniktik.

Noon ding Pebrero 15, isang iskwad ng 8th IB ang naglunsad ng operasyong kumando sa tubuhan sa Barangay Kauyonan, Kitaotao. Kasabay nito, dalawa pang trak ng mga sundalo ng 8th IB at dalawang *patrol car* ng PNP Regional Mobile Group ang nag-operasyon sa Barangay Kalumihan ng parehong bayan.

Sa bayan ng Don Carlos, isang dyip na puno ng militar ang naglunsad ng *combat patrol* sa Barangay San Nicolas-Banban. Isa ring M35 trak na may lulang mga elemento ng 8th IB ang nagpatrulya sa mga barangay ng Bagsak at Pinamaloy.

Sa Barangay Namnam, San Fernando, isang trak ng mga sundalo ng 8th IB ang muling pumoste sa isang detatsment na dati na nilang inabandona.

Sa Quezon, Bukidnon, nagpapatuloy pa rin ang mga operasyong militar na nagsimula noong Pebrero 10.



Mga bihag, pinalaya ng BHB

Pinalaya ng mga Pulang mandirigma ng Bagong Hukbong Bayan ang kanilang dalawang bihag ng digma na sina M/Sgt. Mario Veluz at P03 Jorge Sabatin sa dalawang magkahiwalay na lugar noong Pebrero 18.

Si Veluz ay inientrega ng Herminio Alfonso Command ng BHB (HAC-BHB) kay Gov. Emmylou Mendoza ng North Cotabato. Ayon kay Ka Isabel Santiago, tagapagsalita ng HAC-BHB, si Veluz ay napatunayan ng hukumang bayan na walang malalang krimen laban sa rebolusyonaryong kilusan.

Nabihag siya sa isang tsekpoynt na itinayo ng mga Pulang mandirigma ng BHB sa kahabaan ng haywey ng Davao-Bukidnon noong Pebrero 6. Nakumpiska sa kanya ang isang pistolang kal .45.

Si P03 Sabatin, elemento ng Agusan del Sur Police Mobile Group, ay inientrega ng mga Pulang mandirigma ng Conrado Heredia Command (CHC-BHB) ng BHB sa mga upisyal ng isang barangay. Dinakip siya noong Pebrero 1 matapos ambusin ng mga Pulang mandirigma ang isang tsekpoynt ng PNP sa Trento, Agusan del Sur. Nagtamo siya noon ng di malubhang sugat sa paa at agad binigyan ng atensyon medical ng mga medik ng BHB.


3 sundalo, patay sa ambus sa Kalinga

Tatlong sundalo ang napatay nang ambusin ng mga gerilya ng Lejo Cawilan Command ng Bagong Hukbong Bayan ang mga elemento ng 21st IB sa Tanglag, Lubuagan, Kalinga noong Pebrero 8. Mayroon ding di pa malamang bilang ng mga sundalo ang nasugatan.

Ang mga inambus na sundalo ay kabilang sa mga tropang militar na hindi na naglubay sa pagbababad sa Kalinga mula noong Setyembre 2010. Mula nitong kalagitnaan ng Enero ay naglunsad na ang mga ito ng mga pinatinding operasyong kombat at *civil-military* sa mga bayan ng Pinukpuk at Babalan. Sa Malibcong at Lacub ay koordinado ang mga operasyon nito sa 41st IB.

Bumaling kalaunan ang mga operasyon tungo sa mga bayan ng Lubuagan, Tabuk at Tanudan sa katimugang bahagi ng Kalinga at sa mga bayan ng Boliney, Daguioman at Sallapadan sa Abra, kung saan mga tropa ng 50th IB ang kakoordina nila.

Matapos ang ambus sa Lubuagan ay nagkampo ang mga sundalo ng 21st IB sa Tanglag at naglagi sa mga bahay ng mga tagabaryo at sa mga sibilyang pasilidad. Labag ito sa mga alituntunin ng digma na nagbibigay-proteksyon sa mga sibilyan. Dahil hindi na umalis dito ang mga sundalo ay nilabag din nila ang tigil-putukan nitong Pebrero 15-21.



Sundalo, binihag ng BHB sa ComVal

Dinakip ng Front 25 Operations Command ng Bagong Hukbong Bayan (BHB) sa Southern Mindanao Region ang isang elemento ng 5th Scout Ranger Company. Si Pfc El Bryan Cañedo, 23, ay inaresto sa isang *mobile checkpoint* ng BHB sa Barangay Maparat, Compostela, Compostela Valley bandang alas-6 ng umaga noong Pebrero 7. Isang pistolang

9 mm ang nakumpiska sa kanya.

Kasalukuyang iniimbestigahan si Cañedo hinggil sa posibleng pagkakasangkot niya sa mga krimen laban sa masa at rebolusyonaryong kilusan.

Sa isang *audio clip* na ipinadala sa midya nitong Pebrero 17, nanawagan si Cañedo sa militar at pulisya na itigil na ang mga opensibong operasyon para

iligtas siya dahil makasasagabal lamang ito sa pagpoproseso ng kanyang paglaya. Tiniyak din niya sa kanyang pamilya na mayayos ang kanyang pagtulog at pagkain at lubos na iginagalang ang kanyang mga karapatan bilang bihag ng digma.

Bukod sa *audio clip* ay nagpadala rin ang BHB ng litrato ni Cañedo na nagbabasa at nakaingiting umiinom mula sa sartin.

Pagpapakamatay ni Gen. Reyes at korapsyon sa AFP

Lalong naging masalimuot **L**ang imbestigasyon ng kabulukan sa loob ng Armed Forces of the Philippines (AFP) nang magpakamatay si Ret. Gen. Angelo Reyes noong Pebrero 8. Sa kabilang panig, lalo rin nitong binigyang-diin ang lalim at lawak ng sistematikong korapsyon ng buong reaksyunaryong sistema.

Si Reyes ay dating Chief of Staff ng AFP kapwa ng rehimeng Estrada at Arroyo at kalinig ng Department of National Defense at iba pang mga departamento sa ilalim ng rehimeng Arroyo. Pinamunuan niya ang madugong kampanya ng rehimeng Estrada laban sa mamamayang Moro. Sa ilalim ng pamumuno niya sinimulan ng AFP ang pag-sasakatuparan ng pasistang kampanyang Oplan Bantay Laya.

Isinangkot ni Ret. Lt. Col. George Rabusa si Reyes sa sistematikong pangungurakot sa pondo ng AFP. Ayon kay Rabusa, dating *budget officer* ng AFP, nagbulsa si Reyes at ang kanyang asawa di bababa sa P150 milyon noong panahong pinamumunuan niya ang AFP.

Hindi nadiskaril ng pagpapakamatay ni Reyes ang imbestigasyon sa Senado at Kongreso. Lalong hindi nito napahupa ang galit at pagkamuhi ng mamamayan at karaniwang mga sundalo at nakababatang upisyal sa kabulukan ng buong AFP. Pinanghihinayangan ng mamamayan na hindi na maibubunyag ang iba pang nalalaman ni Reyes, laluna ang direktang papel ni Gloria Arroyo sa korapsyon sa AFP.

Nabukong salamangka sa estadistika

Ang pagtatakip ng rehimen sa mukha ng karalitaan



Sa halip na magpatupad ng mga programa upang tunay na harapin ang laganap na kahirapan sa bansa, pinalabnaw na lamang ng rehimeng Aquino ang kahulugan ng kahirapan upang palabasin na nababawasan ang bilang ng mga naghihirap.

Sa pamamagitan ng bagong pamantayan ng kahirapan na sinimulang gamitin ng National Statistical Coordination Board (NSCB) noong 2009, pinalalabas ngayon ng rehimen na P46 na lamang sa bawat araw ang kailangan ng bawat Pilipino para mabuhay. Mas maliit ito sa dati nang mababang pamantayan na P52 na siyang dating itinakdang hangganan ng kahirapan. Sa bagong pamantayan, nagawa ng rehimen na bawasan ang bilang ng mahihirap sa bansa nang 5.32 milyon katao.

Bunga ng pagbaba ng pamantayan ng kahirapan, pinalalabas ngayon ng gubyrong Aquino na 2.6% na lamang ng mga naninirahan sa Metro Manila ang itinuturing

nitong mahirap.

Ang totoo, kung patuloy na gagamitin ng rehimen ang lumang pamamaraan ng pagtaya sa kahirapan, lalabas na nadagdagan pa ng 850,000 katao noong 2009 ang bilang ng mahihirap na Pilipino mula sa datos noong 2006. Ito na ang ikaapat na beses na ibinaba ng NSCB ang pamantayan ng kahirapan mula 1991.

Sa ilalim ng bagong pamamaraan ng NSCB, binago nito ang konsepto ng *“food bundles”* o bungkos ng pagkain na kinokonsumo ng mga Pilipino sa araw-araw. Sa bagong pamantayan ng NSCB, hindi na kasama ang galunggong na isda sa arawang kinakain at pinalitan ito ng monggo.

Dagdag pa, hindi lamang ibinaba ang pamantayan sa pagkain kundi ng iba pang mga kailangan ng bawat Pilipino para mabuhay. Sa pamasahang pa lamang, ang ₱46 na pamantayan ng guberno ay kulang na kulang sa isang ordinaryong manggagawa na sumasakay sa MRT. Papunta pa lamang sa trabaho ay maaaring gumastos na siya ng ₱30 na lalamon na kaagad sa malaking bahagi ng halagang ₱46 na pamantayan ng rehimen. Bukod sa pagkain at pamasahang, nariyan pa ang iba pang bilinghin at bayarin tulad ng LPG, matrikula at gastusing medial na kaliwa't kanan ang pagtaas.

Malaking insulto sa mamamayan ang bagong pamamaraan ng rehimen ng Aquino sa pagtakda ng pamantayan sa kahirapan. May kapal ang mukha itong magsalitang bawas na ang bilang ng mahihirap na Pilipino gayong patuloy na bumibigwas sa mamamayan ang mga epekto ng mga patakarang denasyunalisasyon, pribatisasyon at deregulasyon sa bansa. Nagbubulag-bulagan ang rehimen sa malaon nang panawagan ng mga manggagawa at propesyunal na mabababa ang kita para sa makatarungan at nakasasapat na sahod at sweldo. Wala rin itong hakbang upang tugunan ang mga hinaing ng mga magsasaka at manggagawang bukid.

Ang pagtatakip ng rehimen ng Aquino sa mukha ng kahirapan sa bansa ay walang pinagkaiba sa pagtatakip ni Gloria Arroyo noong Abril 2005 sa datos ng kawalan ng hanapbuhay. Pinaliit ni Arroyo ang bilang ng mga walang hanapbuhay nang 1.5 milyon at ang tantos ng kawalan ng hanapbuhay nang 3.6% gayong wala naman itong ginawang hakbang para mabawasan ito.

GARB, lubusang sinusuportahan ng mga magbubukid ng Central Luzon

DAPAT kagayat na ipatupad ang tunay na repormang agraryo. Ito ang hiling ng mga magsasaka mula sa Central Luzon nang dumalo sila sa pagdinig ng House Committee on Agrarian Reform noong Pebrero 17. Ipinahayag nila ang lubusan nilang pagsuporta sa House Bill 374 o Genuine Agrarian Reform Bill (GARB).

Ang delegasyong dumalo sa pagdinig ay pinamunuan ni Joseph Canlas, tagapangulo ng Alyansa ng mga Magbubukid sa Gitnang Luzon (AMGL). Sumama rin sa pagdinig ang mga kasapi ng Alyansa ng mga Magbubukid sa Hacienda Luisita (AMBALA). Hayagang idineklara ng mga magsasaka na sinusuportahan nila ang GARB at itinatakwil ang CARPER (Comprehensive Agrarian Reform Program with Extension and Reforms).

Ayon sa kanila, walang pakinabang para sa kanila ang CARP o CARPER dahil wala itong naigagawad na protek-

syon sa kanilang karapatan sa lupa. Sa katunayan, ani Canlas, sinalba pa ng CARP ang interes ng angkang Cojuangco-Aquino sa Hacienda Luisita sa pamamagitan ng Stock Distribution Option (SDO).

Tinukoy ng mga magbubukid ang mga suliranin sa lupa kung saan kinakampihan ng CARP ang interes ng malalaking panginoong maylupa kaysa sa interes ng mga magbubukid. Ilang halimbawa ang 3,100 ektaryang Fort Magsaysay Military Reservation (FMMR) sa Laur, Nueva Ecija; 375 ektaryang lupain sa San Miguel, Bulacan na inaangkin ni Rep. Luis Villafranco; at pagdemolis ng pamilyang Pineda sa 200 tirahan ng mga magbubukid sa 200 ektaryang lupain sa Barangay Prado Siongco, Lubao, Pampanga. May mga sigalot din sa lupa sa Barangay Balangcinaway sa Bayambang, Pangasinan; sa Barangay San Roque, La Paz, Tarlac; at sa bayan ng Orion, Bataan.

BLWU, ayaw kilalanin ng DOLE

PATULOY na ginigipit ng Bleustar Manufacturing and Marketing Corporation (BMMC) ang mga manggagawa nito matapos ito pumasok sa bagong *collective bargaining agreement* noong Nobyembre 2010. Matatandaang nagwelga ang Bleustar Workers Labor Union (BLWU) noong nakaraang taon para iprotesta ang mga paglabag ng maneydsment sa kanilang mga karapatan. Kabilang sa mga paglabag ang pambuwag ng unyon, *sexual harassment* at iba pang mga *unfair labor practice*. Matapos mapirmahan ang bagong CBA, kaagad na isinumite ng BLWU ang bagong kasunduan sa Department of Labor and Employment (-

DOLE) para irehistro ito.

Pagdadahilan ng DOLE, mayroon umang nakasampang petisyon ang dilawang unyon sa loob ng BMMC na nagsasabing walang unyon sa loob ng kumpanya at walang CBA sa pagitan ng maneydsment at mga manggagawa. Dahil dito, kailangan daw maglunsad ng *certification election* para itayo ang bagong unyon.

Ang naturang dilawang unyon, ang Advan United Workers Labor Union (AWLU) ay kasapi ng dilawang Trade Union Congress of the Philippines (TUCP).

Naniniwala ang BLWU na pakana lamang ng maneydsment at ng DOLE ang pagsa-

sampa ng AWLU ng petisyon para buwagin ang lehitimong unyon at mabalewala ang CBA. Patunay nito ang kaagad na pagkatig ng DOLE sa walang batayang petisyon ng AWLU.

Mga estudyante ng UE, nag-walk out sa klase

DAAN-DAANG estudyante ng University of the East-Manila ang nag-walk out sa kanilang mga silid-aralan para tutulan ang nakaambang pagtaas ng matrikula. Ang pagkilos ay pinamunuan ng UNITE-UE at iba pang progresibong organisasyon.

Tinututulan ng mga nagpoprotesta ang 5-10% pagtaas ng matrikula, gayundin ang dagdag P200 sa kanilang *miscellaneous fees*. Ayon kay Jade Valenzuela, tagapagsalita ng UNITE-UE, napakahirap para sa mga estudyante ang makapag-aral dahil sa pagtaas ng matrikula at iba pang mga bayarin.

Samantala, plano na rin ng iba pang paaralan na magtaas ng matrikula. Kabilang dito ang Lyceum of the Philippines, Philippine School of Business Administration, University of Sto. Tomas, Far Eastern University at University of the Philippines.

Hiniling naman ni Rep. Raymond Palatino ng Kabataan Party sa mga paaralan sa elementarya, hayskul at kolehiyo na payagan ang mga mag-aaral na makakuha ng pagsusulit kahit di pa sila nakakabayad. Ito ay alinsunod na rin sa inilabas na kautusan ng Department of Education (DepEd) at Commission on Higher Education (CHED) noong 2010. Ayon kay Palatino, maraming natatanggap na sumbong ang Kabataan Partylist hinggil sa mga paaralang lumalabag sa kautusang ito. Naghain na rin siya ng panukalang batas sa Kongreso na pormal na nagbabawal ng gayong gawi ng mga kapitalistang may-ari ng mga paaralan at nagtatakda ng mas mabigat na parusa at kanselasyon ng mga permit ng mga paaralang lalabag dito. Dagdag ni Palatino, dapat isaalang-alang ng mga paaralan ang sunud-sunod na pagtaas ng presyo ng mga bilihin, pamasaha at bayarin sa eskwelahan.

Bahrain, sentro ng mga pag-aalsa sa mga bansang Arabo

MATAPOS bumagsak si Pres. Hosni Mubarak ng Egypt noong Pebrero 11, ang bansang Bahrain na ngayon ang sentro ng mga pag-aalsa ng mamamayan sa Middle East at North Africa. Mabilis ding kumakalat ang pag-aalsa sa Yemen, Oman, Libya, Algeria, Morocco, Kuwait at Iran.

Lalong nagpuyos sa galit ang mamamayan ng Egypt nang magtalumpati si Mubarak na hindi siya bababa sa poder hangga't hindi naidaraos ang halalan sa Setyembre para umano maayos na maipapasa ang kapangyarihan. Dali-daling nagmaniobra ang imperyalistang US at pinakamasugid nitong tuta na Israel. Kinabukasan, Pebrero 11, inagaw ng militar ang gubyrno habang ilandaang libong Egyptian ang humugos sa lansangan. Matapos ang 18 araw na protesta, bumigay ang tatlong dekadang paghahari ni Mubarak. Dali-daling lumipad si Mubarak at kanyang pamilya mula Cairo tungo sa isang resort sa Sharma el-Sheik.

Samantala, sa Bahrain, apat na ang napapatay at marami na ang nasusugatan sa Bahrain sa loob ng tatlong araw na pagpuprotesta. Nagsimula noong Pebrero 13 ang mga panawagan na luwagan ng mga naghaharing Muslim na Sunni ang pagpapatakbo nila ng gubyrno. Sa partikular, hiniling nila ang karapatang pumili ng mga upisyal ng gubyrno at mabigyang-pagkakataon ang mayoryang sekta ng Shiite. Kalaunan, humantong ang protesta sa paggi-giit ng dagdag na trabaho, mas maayos na pabahay, pagpapalaya sa lahat ng mga bilanggong pulitikal at pagwawak sa 200-taong paghahari ng mga Sunni.

Lubhang nababahala si Pres. Barack Obama ng US sa takbo ng mga pangyayari dahil ang Bahrain ang pinakaestrategikong alyado ng US para makontra ang impluwensya ng Iran sa mga bansang Arabo. Hindi napatigil ng pamumudmod ng hari ng pera sa bawat pamilya ang mga protesta. Ayon sa pinakahuling mga ulat, umaabot na sa 23 ang inaaresto ng mga pulis sa kabila ng paabot ni Obama sa alyado nito na maghinay-hinay.

Lumalaganap din ngayon ang mga aksyong protesta sa bansang Yemen, ang pinakamahirap sa mga bansang Arabo at susing alyado ng US sa anti-teroristang kampanya nito sa rehiyon ng Gulpo. Iginigiit ng mamamayang Yemeni na magbitiw na sa poder si Pres. Ali Abdullah Saleh. Mga tatlong dekada na ring naghahari si Saleh sa bansang ito at sa 2013 pa magtatapos ang kanyang termino.

Sa Oman naman, inianunsyo ni Sultan Qaboos ang pagtataas ng buwanang sahod mula 140 rials (\$365) tungong 200 rials (\$520) para sa bawat manggagawa sa pribadong sektor sa takot na mapasama sa mga bansang nag-aalsa ang kanyang kaharian.

Sa Libya, naging madugo ang protesta nang paputukan mula sa helikopter ng mga Revolutionary Guards ni Moammar Ghaddafi ang mga demonstrador. Ayon sa pinakahuling mga ulat, umaabot na sa 200 ang napapatay sa mga demonstrador.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLII Blg. 4
Pebrero 21, 2011
www.philippinerevolution.net

Editoryal

Magkaisa laban sa mga pasistang pwersang anti-kapayapaan

Ang pinakamaiitim na ulap na lumalandong sa pag-asang umusad ang matagal nang nabimbing usapang pangkapayapaan ay ang Armed Forces of the Philippines (AFP) at ang bago nitong planong Oplan Bayanihan (OPB). Walang awat ang mga sagadsaring pasistang pwersa sa kaliwa't kanang paghadlang at pananabotahe sa usapan.

Sa tuwing may aninag ng pag-asang sumulong ang pag-uusap sa pagitan ng National Democratic Front of the Philippines (NDFP) at ng Gubyerno ng Pilipinas (Government of the Philippines o GPH), kumikilos ang mga sagadsaring pwersang anti-kapayapaan upang mabahura ang pag-uusap. Ang tapang ng apog ng mga pasistang heneral ng AFP na ideklara ang sarili bilang mga tagapagtaguyod ng kapayapaan samantalang kaliwa't kanan ang paglapastangan nila sa mga umiiral na kasunduan at panlilibak sa NDFP at sa seryosong layunin nito sa pakikipag-usap sa GPH.

Patraydor na dinakip ng mga pasistang sundalo at pulis si Kasamang Alan Jazmines sa Baliuag, Bulacan nitong Pebrero 14. Si Kasamang Jazmines ay isa sa mga kilalang lider ng Partido Komunista at nangungunang konsultant ng NDFP sa usapang pangkapayapaan. Nang dakpin siya, tahasang ni-

yurakan ng AFP ang Joint Agreement on Safety and Immunity Guarantees (JASIG). Dinakip siya ng AFP sa bisperas ng muling pagbubukas ng pormal na pag-uusap sa pagitan ng NDFP at GPH. Mistulang winasak ng AFP ang lubos na pinanana-

bikang pagdiriwang ng sambayanan sa malaking pag-usad ng pag-uusap.

Dinakip si Kasamang Jazmines ilang linggo matapos dakpin ng AFP si Kasamang Tirso "Ka Bart" Alcantara. Si Ka Bart ay isa sa mga nangungunang kadre ng Partido at Bagong Hukbong Bayan (BHB) sa Southern Tagalog at konsultant sa usapang pangkapayapaan. Sa kabuuan, 15 konsultant na ng NDFP na sangkot sa pagsusulong ng usapang pangkapayapaan ang inaresto at ikinulong

ng AFP at PNP. Lahat sila'y humaharap sa mga kasong kriminal na inimbento ng militar at pulis upang bigyang-matwid ang kanilang matagalang detensyon.

Naghahambog ang AFP na isa itong kapangyarihang hindi maaaring ipailalim sa mga kasunduang binubuo sa pagitan ng GPH at NDFP. Buong pagmamalaki nitong idinedeklara na hin-



Mga tampok sa isyung ito...

Konsultant ng NDFP, inaresto ng militar
PAHINA 3

Pormal na usapang pangkapayapaan, binuksan
PAHINA 4

Ang pagtatakip ng rehimen sa mukha ng karalitaan
PAHINA 7